

Sófáyi

Ham goróiyá ókkol é bálá sófíyir amól gorá ré yekini banaibólla lamar todbir ókkol óre haz ot aní tuñúi ham goróiyá ókkol adde oinno zon oré KOVID-19 ór sámna gorár hótórá ttu basai faribá.

Ham goróiyá ókkol adde sehét ar sólámotir nomaenda ókkol loi tuñáttu KOVID-19 mutallek sehét adde sólámotir uore biyasana gorá foribó, zeçé tuñár ham or zagat kabu gorár todbir ókkol sala yó cáamel asé.

Ham goróiyá adde ziyarot goróiyar sófáyi

Bálá sófáiyir amól goríbólla tuñáttu ham goróiyá adde ziyarot goróiyá ókkol óre fórmáec gorá foribó, zeçé sábún adde faní loi homot 20 sekén hát ókkol dúwá adde híin óre fusóoni sáf habos loi fusá cáamel asé.

Hát ókkol dúwá foribó:

- háibar age adde fore
- hañcí adde háñccai baade
- thaththit zai baade, ar
- Zehón ham ókkol bodola zaibo, ar leçerfeçer dhák ókkol súi baade.

Homot 60% ethanol or 70% isopropanol asóli futh miyál wala elkohól-buniyad hát sáf goróoni ókkol tuñáttu zuhar gorí diya foribó, zodi hát dúibar emkan notáké.

Bálá sófáyi ye ham goróiyá adde ziyarot goróiyá ókkol óttu saár dé ki:

- hát or hoikka yá thicú loi hañc adde háicca ré algwal do (séf noféilló)
- muk, souk, nak adde gal súwóon óttu basi tákó
- sátár bon dhabba ókkol ót thicú ókkol adde cuñçar les ókkol félaidó
- cuñça háibar age adde fore, hát ókkol dúifeló
- estemal or baade sámán ókkol óre sáf goró ar fuk marifeló
- gaa, sul adde darímus, ar hoor ókkol fotti din dúwát tákó, ar
- saáisiti gaa bazái milzúl nogoijjó, mesál, hát mila

Bálá sófáiyir notija ókkol óre behétor goríbólla boli:

- faráinna bearam or fóilá re rukíbólla zehón polosi ókkol banazaibo, toíle ham goróiya ókkol loi biyasana goró ar ham goróiya ókkol ór hañsé polosi gún foñósáido
- ekkam aam zagat gólíbar adde neelibár age sóiyi gorí hát dúwár ahámíyot or uore ham goróiya ókkol óre cíkka do
- keén gorí sóiyi gorí hát dúwé adde fuséde ar hát sáf goróoni senitaizar estemal goréde hían deháiyóre [pusthar ókkol](#) thakido, ar
- aam zaga ókkol estemal gorár cómot, sófáyir niyom ókkol hoddúr acá gorázar ham goróiy aókkol óre zanaido (nizore sáfsoúra raká, sátár dhabbat sátá féla, phún adde hánár dhoilla jiníc ókkol zeçé héçé noraká)

Sófáyir todbir ókkol manazar né ar asór wala asé náí fakka óibólla híin óre haz ot aná ré tuñáttu niyom mote nozordari gorá foribó ar duarai saáforibó.

Sófáyir cúzúkcúida ókkol

Sófáyir cúzúkcúida ókkol kular, lootfaazar, ham gorér de tortib ot adde estemal ollá maháfuz asé dé hían óre tuñáttu fakka gorá foribó.

Dúwár cúzúkcúida ókkol, hoor bodolar kaméra ókkol adde hánár zaga ókkol zinai diyáforibó né honó tuñáttu andaza lagai saáforibó. Tuñáttu fakka gorá foribó dé ki aásán zaga ókkol ót ham goróiya ókkol é bálá sófáyir amól goríbólla hát dúwár cúzúkcúida ókkol ór munaséb gonti asé.

Zehón hát dúwár cúzúkcúida ókkol mahádud óibó, toíle hát sáf goróoni (senitaizár) zaga ókkol gólá adde neelar foñt ót rakóonsá.

Dúwár cúzúkcúida ókkol ór mal ókkol zeén dhéñila dóróoni habos, sábún, faní adde fusóoni habos ókkol kulafáan tákáforibó.

Zoruri cúzúkcúida ókkol ór gonti ré mutain goríbólla boli, saíth-ot asé dé ham goróiya ókkol ór gonti, thaim madán bodolar entezam ókkol adde híin lootfaa zaruri de thaim oré etebar goró, zeçé ham oré toitta gura gorár baade honó ham goróiya ókkol ham ot wafes aá yó cáamel asé.

Jisími duurir emkan óifaribólla zodi nuwa hánár yáto aam zaga banailé, zaga híin ham or zaga ttú foñósáza adde bálá gorí sámán ókkol (mesál, fiibár faní, sátár dhabba) diyya asé dé hían adde kudroti mosibot, sátásutá adde hotóra ókkol óttu basaiya asé de hían yekini bano. Aam zaga ókkol ot háwá bodolibólla kírkírí kúlá yáto yaárkón laga ré etebar goijjó ar héndhílla zeçé mumken háwá ye gul há dé



yaárkón homa yáto mahádud gorá ré yó etebar goijjó.

Aró Maalumat

Aró maalumat ollá gólísoó [Safe Work Australia website.](#)